



www.ozen.kz



www.facebook.com/OzenMunaiGaz/



# ОЗЕН

№12 (46) ЖЕЛТОҚСАН, 2019 ж.

«ӨЗЕНМҰНАЙГАЗ» АҚ КОРПОРАТИВТІ ГАЗЕТІ

## ҚҰРМЕТТІ ӨЗЕНМҰНАЙГАЗДЫҚТАР!



**Сіздерді мемлекетіміздің басты мерекесі 16-желтоқсан «Тәуелсіздік күні» мерекесімен шын жүректен құттықтаймын!**

Елбасымыз Нұрсұлтан Әбішұлы «Тәуелсіздікке қол жеткізгеннен гөрі оны ұстап тұру әлдеқайда қиын. Байлығымыз да, бақытымыз да болған Тәуелсіздігімізді көздің қарашығындай сақтауымыз керек!» – деген болатын. Ұрасында да, атақ-абыройдан да зор қуаныш бар, мансаптан да биік мұрат бар. Ол – Тәуелсіздік! Тәуелсіздігімізді сақтап қалу үшін – сапалы ұлтқа айналу шарт. Ол үшін жауапкершілік, тиянақтылық пен ұқыптылықты бойға сіңіруіміз қажет.

Біз жақсылармен қанаттас қонған, мықтылармен табақтас болған, астына арқыратып ат мінген, үстіне жарқыратып сауыт киген, тепсініп жауына теңдік бермеген бабалардың ұрпағымыз. Тарих – куә. Қазақ тәуелсіз ел болу жолында қиын да қиямет жолдарды бастан өткерді.

Қастерлі Тәуелсіздігімізді сақтап, нығайту, дамытып, ұрпаққа аманаттау жолында ерен еңбек етіп жүрген мұнайшылардың еңбегі орасан зор екені сөзсіз. Біздің мемлекетіміз, еліміз біреу ғана, ол – Қазақстан.

Ендеше, Туымыз тұғырлы, Елтаңбамыз еңселі, Ән-ұранымыз айбатты Қазақстан жасасын! Тәуелсіздігіміз баянды болсын!

**Есен Оғланұлы ӨТЕЕВ,**

«Өзенмұнайгаз» акционерлік қоғамы бас директоры



### «ӨЗЕНМҰНАЙГАЗ» АҚ СЕНІМ ТЕЛЕФОНЫ ЖҰМЫС ІСТЕЙДІ

Компания қызметкерлерінің өз міндеттеріне салғырт қарауын болдырмау мақсатында Қауіпсіздік қызметінің «сенім телефоны» жұмыс істейтінін хабарлайды. Қызметкерлер сенім телефонына жұмыс бабында орын алған құқық бұзушылық немесе келеңсіз жағдайдың алдын алу, қитұрқы әрекетті болдырмауға ықпал ететін өзге де маңызды ақпаратты хабарлай алатындығын қаперіңізге береміз.

**Хабарлаушы азамат есімінің құпия сақталуына кепілдік беріледі.**

**Қауіпсіздік қызметінің сенім телефоны: +7 (72934) 65-1-54**

**Электронды поштасы: [doverye@umg.kmger.kz](mailto:doverye@umg.kmger.kz)**



А Н О Н С

3



ТӘТТІ ТАМАҚ, ҰЙҚЫ,  
ҚҰР ЖАТУ –  
ДЕНСАУЛЫҚТЫ  
БҰЗАДЫ

4



АРДАГЕР – ҰСТАЗҒА  
ҚҰРМЕТ КӨРСЕТІЛДІ

8



«ӨЗЕНМҰНАЙГАЗ»  
КОМАНДАСЫ  
ҮШТІК  
ҚАТАРЫНДА





**«Тәуелсіздік күніне» орай компаниямызда адал еңбек етіп, Өзен кенорнының дамуына сүбелі үлес қосып жүрген бір топ өзенмұнайгаздықтар марапатталды.**

## ЕҢБЕК ОЗАТТАРЫ МАРАПАТТАЛДЫ

Атап айтатын болсақ Серғазы Ашық (ЖжЭБ) пен Болат Сатыбалдиев (БЖБ) «ҚазМұнайГаз» ҰК» АҚ естелік белгісімен, Нұрдаулет Шырақбаев

орынбасары Айтқали Бәшенов, бас директордың техника қауіпсіздігі және қоршаған ортаны қорғау жөніндегі орынбасары Өсербай Тұрсабеков, «Өзенмұнайгаз» АҚ кәсіподақ төрағасы Наурыз Сақтағановтар құттықтау сөз сөйледі.

«Тәуелсіз Қазақстан – қазақ халқының атамекені. Еркін елдің қызы – ерке, ері – ер! Азаттық қазақ мәңгілік ел болсын деп келді.



(№2 МГӨБ), Демеу Қарабеков (№3 МГӨБ), Қуандық Рамазанов (№3 СКҚБ), Қарасай Наурызбаев (ӨЭМБ), Бауыржан Зұлқарнаев (ТТБ) «ҚазМұнайГаз» ҰК» АҚ Құрмет грамотасымен, Сәбит Әлібаев (БА), Тарас Алеуединов (БА), Аян Жөкеш (БА) «Өзенмұнайгаз» АҚ Құрмет грамотасымен, Берекет Мәуленбаев (БА), Жарылғасын Ақмолдаев (БА) «Өзенмұнайгаз» АҚ Алғыс хатымен марапатталды.



Марапаттау рәсіміне қатысқан бас директордың транспорт және әлеуметтік сұрақтар жөніндегі

уәкілісі Айтқали Бәшенов, бас директордың техника қауіпсіздігі және қоршаған ортаны қорғау жөніндегі орынбасары Өсербай Тұрсабеков, «Өзенмұнайгаз» АҚ кәсіподақ төрағасы Наурыз Сақтағановтар құттықтау сөз сөйледі.

«...Қазақстан жалғыз ұлы қазақтың, Сол жалғыздың құрбандығы бар қазақ» – деп Сабыр Адай жырлағандай баршамыз бірлікте, өзара ынтымақтаса Қазақ елінің күшеюі жолында ерен еңбек ете берейік. Қазақ елінің Тәуелсіздігі ұзағынан болсын! Қазақстан дүния тұрғанша тұрсын!» – деді Наурыз Өзбекұлы.

## №1 МГӨБ КОНКУРС ӨТКІЗДІ

№1 Мұнай-газ өндіру басқармасы кәсіподақ ұйымының демеушілігімен, Әлеуметтік әкімшілік қамту бөлімінің ұйымдастыруымен 16-желтоқсан «Тәуелсіздік күні» мерекесіне орай, «№1 МГӨБ Көзайымы-2019» атты цехаралық конкурс өтті. Конкурсқа әр цехтан 2 нәзік жанды ару қатысып, өзара тоқыма тоқудан, макияж жасап, салат әзірлеуден жарысқа түсті. «Өзенмұнайгаз» АҚ кәсіподақ төрағасы Наурыз Сақтағанов пен №1 МГӨБ кәсіподақ төрағасы Ибрагим Сатыбаев әріптестерін Тәуелсіздік мерекесімен құттықтап, конкурсқа қатысушыларға сәттілік тіледі.



Өнерлі мұнайшы қыз-келіншектер 5 минуттың ішінде тоқыма тоқып, 5 минуттың ішінде макияж жасап, ұйымдастырушылар алқасының алдын-ала дайындап қойған жеміс-жидектерінен креативті салат әзірледі.

«Жүйріктен жүйрік озар жарысқанда» демекші, 3 номинациядан тұратын конкурс нәтижесінде 1-орынды Қабат қысымын сақтау цехы, 2-орынды №11 Мұнай-газ өндіру цехы, 3-орынды №2 Мұнай-газ өндіру цехы иеленді. Жеңімпаздарға арнайы диплом мен ақшалай сыйлық берілді.

Тәуелсіздік мерекесіне байланысты №1 МГӨБ бір топ еңбек озааттары, атап айтатын болсақ Өмірбек Аралбаев, Бауыржан Сәтімұ, Манарбек Құдайбергенов,



Тұрбаев, Өсет Тәкенов, Құдайберген Сырлыбаев, Нұрлыбек Ізжанов, Маусымжан Сандыбаевалар 15 мың теңге сыйақысы бар кәсіподақ орденімен марапатталды.

Еңбек ұжымын ауызбіршілікке, ынтымақтастыққа тәрбиелейтін маңызды шараны ұйымдастырып, аталған мерекенің өте жоғары деңгейде өтуіне атсалысқан Әлеу-



Асхат Үсенәлиев, Жәдігер Ділмәғамбетов, Арман Дүзбаевтарға басқарма директорының Алғыс хаты тапсырылды.

Өзен кенорнының дамуына сүбелі үлес қосып жүрген, білікті де білімді мамандар Жәнібек Бердібаев, Нұрлан Қанатов, Мақсат Мысаев, Ақжігіт



меттік әкімшілік қамту бөлімі мамандары Айнұр Биманова мен Бақтыгүл Сүлейменованың еңбегінің зор екенін айтып кету ләзім.

Марапат адам мерейін өсіреді. Алақанынан адал еңбектің иісі шығып тұратын әріптестерімізді лайықты марапаттарымен құттықтаймыз!

## ҚОҚЫСТАН ҚҰТЫЛУ – БЕРЕКЕГЕ БАСТАМАҚ...

№3 Мұнай газ басқармасына қарасты №61 топтық қондырғы еңбек ұжымы, атап айтатын болсақ, шебер Бекәділ Қосбаев, операторлар Сәндібай Орысбаев, Совет Садуақасов, Асқар Ноғай, Индира Есімовалар «Қоқыссыз өндіріс» жобасы аясында, өндірісті таза ұстауға шешім қабылдады.

«Өндірістегі төгіліп-шашылып жатқан қоқысты тазалау – миды тазалау екенін түсіндік. Жұмыс орнының таза болуы – адамның жұмысқа деген ынтымақ арттырады екен. Соны білдік! Тазалық қуаныш пен жағымды әсер сыйлайтынын сезіндік!» – дейді аталмыш қондырғы мамандары.



«Осы өндіріске болсын, осы өндіріс көгерсін!» – деген оймен еңбек етіп жүрген әріптестерімізге шексіз алғыс айтамыз!





# ТӘТТІ ТАМАҚ, ҰЙҚЫ, ҚҰР ЖАТУ – ДЕНСАУЛЫҚТЫ БҰЗАДЫ

**Жеңіс ЖАРЫЛҒАПОВ, бас бапкер:**

«Менің кішкентай кезімнен спортпен достасуыма өзімнен 6 жас үлкен бүгінде марқұм болған Ідіріс деген ағамның ықпалы зор болды. Ол мені боксқа баулып, спорт әлеміне жетеледі. Совет Одағы кезінде спортпен айналысуға пәлендей жайлы жағдай жасалмаса да, жастарды спортқа бір кісідей ынталандыратын. Сол кезеңдерде өрт сөндіру бөлімінде жұмыс жасап жүріп, талай рет сайыстарға қатыстық. Бүгінде компания мұнайшыларына арналған спортзалға күніне 50-60 адам келеді. Ондайда залдың тарлық ететін кезі де бар. Дегенмен «көңіл сыйса бәрі сыяды» – деген пейілі кең қазақтың балаларымыз ғой. Көштің жүре түзелетініне сеніміміз мол.

Мұнайшы қыз-келіншектер де спортқа аса құмар. Олар үнемі тренажерға келеді, волейбол, үстел теннисін ойнайды. Гигиена – жақсы денсаулықтың кепілі екені сөзсіз. Сондықтан, ер азаматтар мен қыз-келіншектерге арналған душтар, киім ауыстыратын орындары бөлек орналасқан. Жағдай жыл өткен сайын жақсарып келеді. Былтыр ғимараттың іші-сырты толықтай күрделі жөндеуден өткізілді.

«Ынта болса адамда, қиын іс жоқ ғаламда» – демекші, ниет болса, алынбайтын қамал жоқ. Тәтті тамақ, ұйқы, құр жату – денсаулықты бұзады. Ұзақ өмір сүремін деген адам үнемі қимыл-қозғалыста болғаны жөн. Су екеш су да қозғалыссыз тұрса, бұзылады. Көлік екеш көлікке де уақтылы жөндеу жүргізіледі емес пе?! Адамға да күтім керек. Спортпен үздіксіз айналысатын адам кез келген жамандықтан аулақ жүреді. Спортты жақсы көретін мұнайшыға да ризамын, мұнайшының денсаулығы мен басын құрметтейтін басшыға да ризамын.

## ЖЕҢІС ЖАРЫЛҒАПОВ МЕКТЕБІНЕН ӨТКЕН МЫҚТЫЛАР:

Жеңіс Жеңіс болғалы оның қарауында компанияға қарасты басқармалар директорлары да, олимпиада чемпиондары да жаттығып, биік белестерді бағындырып, асқар асулардан асты. Күні кеше бокстан әлем чемпионы болып, ел мәртебесін көтеріп, абыройын асқақтатқан Бекзат Нұрдаулетов, Олимпиаданың екі дүркін күміс жүлдегері Әділбек Ниязымбетов, Азия қола жүлдегері Жеңіс Таумұрыновтардың Жеңіс Жарылғаповтың мектебінен өткенін біреу білсе, біреу білмеуі әбден мүмкін. Компанияда басшылық лауазымда абыройлы еңбек ете жүріп, спортты өздерінің хоббиіне айналдырған Мереке Құлбеков, Жанболат Саймағанбетовтер де Жәкеңнің шәкірттері. Жәкеңнің екі шәкірті Ержан Оразбаев пен Қайрат Ержановтар спорт шебері атанды. Қазақта «асықтың алшы түсуі – иірушісіне байланысты» деген нақыл бар. Ендеше, жігіттердің жетістіктері тікелей Жеңіс Жарылғаповтың жанкешті еңбегінің нәтижесі екені айтпаса да түсінікті. Шәкірттері парасатты да сабырлы бапкерлеріне дән риза.

Құрамалар мен жекелеген спортшылар «ҚазМұнайГаз» ҰҚ» АҚ, «Өзенмұнайгаз» АҚ жылына бір рет тамыз-қыркүйек айларында өтетін спартакиадада сынақатысып жүлделі орындарды иеленіп жүр. Шәкірттері Жәкеңді жандүниесі жақсылыққа толы жан ретінде таниды... Исламдағы бес парыздың бірі, ұлы құлшылық-қажылық екенін жақсы түсінетін Жәкең қажылыққа да барып келді. Жәкең сияқты жақсы жанның жан жылуы көзге көрінбейді. Әйтсе де, одан бойыңа жылылық даритыны рас.



**Асқар ЕРУБАЕВ,**  
№5 Скважиналарға қызмет  
көрсету басқармасы жүргізушісі:

– Осы жерге келіп, тұрақты түрде спортпен айналысқаным 3-4 жылдың көлемі болды. Аптасына 3 рет келемін. Спорт адамды шынықтырып, өмірге деген құштарлығыңды арттырады. Маған спортпен айналысқан ұнайды. Компанияда ұйымдастырылатын мерекелік спорттық сайысқа белсене қатысамын.

**Қошқарбай СӘУЛИЕВ,**  
Бұрғылау жұмыстары  
басқармасындағы механикалық  
жөндеу цехының басшысы:

– Үш жылдан бері жаттығу залына келіп жүрмін. Бокспен де шұғылданамын. Бұрын қант диабетімен ауырдым. Спорт денсаулығымның нығаюына ықпал етті.



**Нұртас САЙЫНҰЛЫ,**  
№1 Мұнай газ өндіру операторы:

– Мен спортзал ашылғалы келіп жүрмін. 2005-жылдан бері волейбол ойнап жүрмін. «Өзенмұнайгаздың» құрамасымен Қазақстанның барлық өңірлерін араладым. Волейбол құрамасында 10 жігіт бар. Спортзалда спортпен алаңсыз айналысуға барлық жағдай қарастырылған. Спортпен айналысып жүргеніме 15 жылдан асып барады. Спорт деген бір сиқыр. Онымен достассаң, қоштасуың қиын.



**Бақтыбек ЖАҚСЫЛЫҚОВ,** №1 МГӨБ операторы

Мен 1987-жылдан бері үстел теннисімен шұғылданамын. Мектеп кезінен жарыстарға қатысып, жүлдегер атанып, көзге түскен. 2005-жылдан бері топтық құрамада да, жеке де ойнап келе жатырмын. Барлық өңірлерге барып, жүлделі орындарға ие болдым. Кешке жұмыстан кейін дүйсенбі, сәрсенбі, жұма күндері келіп жаттығамын. Жаттығу адамды шынықтырады. Шынықсаң, шымыр боласың!





## ӨМІРДЕ ӨЗ ЖОЛЫ БАР АЗАМАТ



Қанат Күзембайұлы компанияның құрдасы. Ол Өзен кенорны ашылған 1964-жылы, 5-қараша күні Маңғыстау облысы, Тұщықұдық аулында, көпбалалы отбасында дүниеге келді. Отбасындағы он баланың алтыншысы. Қанаттың балалық шағы Бейнеу ауданы, Ақжігіт аулында өтті. 1982-жылы Ақжігіт орта мектебін бітіріп, совхозда жұмыс жасады. 1983-жылы Ресейге әскерге аттанады. 1989-жылы Жаңаөзен қаласындағы техникумды бітіріп, №2 МГӨБ-ке жұмысқа орналасады. Жұмыс жасап жүріп, Қаныш Сәтбаев атындағы Қазақ Ұлттық университетінен білімін толықтырады.

Бүгінде 55 мерейлі жасқа толып отырған әріптесіміздің мұнай саласындағы 30 жылдың өрнекті іздері өріліп сайрап жатыр. Сол ізде тәжірибелі маманның төгілген маңдай тері мен жұмсаған қажыр-қайраты жерерлік. Жігерлі жас өзінің білімділігі мен біліктілігінің арқасында еңбек жолын қарапайым жұмыскер болып бастап, бүгінде басшылық қызметке дейін өсіп отыр. Санамалап айтатын болсақ, оператор-шебер-технолог... болып жалғаса береді. Қазіргі таңда, №3 Мұнай газ өндіру басқармасында өндірістік-техникалық бөлім басшысы болып абыройлы қызмет атқарып, ұжым құрметіне бөленіп отыр.

– «Осыдан 30 жыл бұрынғы өндірістегі еңбек еткен мұнайшылардың жанкештілігіне таң қаламын. Техникалар жеткіліксіз болды. Небір қиын күндер артта қалды. Біз қиындықтан қашпадық, қиындықты жеңе отырып, еңбек еттік. Ерен еңбек қана арманға қол жеткізетінін көңілге түйдім. Мен еңбек етіп жүрген басқармада 1000-ға жуық адам еңбек етеді. 2019-жылы төрт вагонымыз жаңартылды. 18 бригадамыз, 23 топтық қондырғы мен 6 шоғырланған станциямыз бар. Қазан айындағы жоспар бойынша 140, 215 мың тонна мұнай игеруіміз керек болса, сол жоспарды 2220 мың тоннаға артық орындадық. Бала күнімнен армандаған мамандық иесі атанып, бірнеше баланың әкесі атану бақытына ие болып отырмын. Алла тағалаға сансыз шүкіршілік айтамын» – деді Қанат Бітімов.

Адал еңбекпен биікті бағындырып, көпке үлгі болған Қанаттың басшылық тарапынан алған марапаты өз алдына бір төбе екені айтпаса да түсінікті. Жан жары Баян мейірбике болып жұмыс істейді. Бақытты шаңырақтан өрбіген тәрбиелі ұл-қыздан немерелер мен жиендер сүйіп отырған бақытты жанды мерейтойымен шын жүректен құттықтай отырып, деніне саулық, отбасына амандық, қызметіне табыс тілейміз.

Қанат Күзембайұлын әріптестері қарапайым, кәсіби шеберлігімен қоса адами қасиеттері бар азамат ретінде бағалайды.

**Бағдат ҚАРАМБЕТОВ, №3 МГӨБ, №13 мұнай газ өндіру цех басшысының орынбасары:**

– Қанекөңді құрметтеймін. Тәжірибесі мол маманның бізге берері көп. Білмеген нәрсемізді осы кісіден сұрап, ақылдасамыз. Жас мамандарға үнемі қолдау көрсетіп жүреді. Өзен кенорнының дамуына үлкен үлес қосып жүрген азаматтың бірі деп білемін. Теориялық та, практикалық жағынан да үйретері көп. Жыл сайын Қанат Бітімов дайындайтын мамандар «Үздік маман» кәсіби-шеберлік байқауында жүлделі орындар иеленіп, басқарма абыройын асқақтатып жүр. Өмірде өз жолы, өзгеше өнегесі бар Қанат Күзембайұлына қарап біз бойымызды да, ойымызды да түзейміз.

Қазақ елуді «ердің жасы» деп әспеттейді. «Елу деген жасыңыз, ол да бір көшкен ел екен» – депті Бұхар жырау бабамыз.

## МЕРЕЙЛІ ЖАС ИЕСІ

Мерейлі 50 жасқа толып отырған №4 МГӨБ бас инженері Ұзақбай Ізтұрғанұлы Досанов 1969-жылы 25-қарашада дүниеге келді. Қаламыздағы №5 орта мектепті бітіріп, қаламыздағы мұнай техникумын бітірді. 1989-жылы бұрғылау жұмыстары басқармасына бұрғышы көмекшісі болып жұмысқа орналасады. Екі жыл Ресейде әскерде болып, №2МГӨБ-ке қабат қысымын сақтау цехына 3-дәрежелі оператор болып қызметке тұрады. Жұмысқа деген тиянақтылығы мен жауапкершілігінің арқасында Ұзақбай қарапайым оператордан бастап, шебер, цех бастығының орынбасары, цех бастығы секілді қызметтерге көтеріледі. 2008-жылы «Өзенмұнайгаз» АҚ аппарат басқармасында қызмет атқарып, бүгінде №4МГӨБ бас инженер болып абыройлы қызмет атқарып келеді.

– Ештеңе бір орнында тұрмайды. Бұл – заңдылық. Соңғы жылдары Өзен кенорны заманауи технологиялармен жабдықтылып, қолмен атқарылып келе жатқан жұмыстардың көпшілігі автоматтандырылды. Бұрын вагонда жұмыс жасасақ, қазір жылы, заман талабына сай жабдықталған тұрмыстық-шаруашылық кешендер салынды – дейді Ұзақбай.



Айрандай ұйып отырған отбасының берекесін келтіріп отырған жан жары Тамарамен тәрбиелі балалар өсіріп, немере сүйіп отырған бақытты азаматқа өмірдегі бар жақсыны тілейміз. Мерекеңіз берекеге ұлассын!

Бас директор Есен Өтеев пен бас директордың адами ресурстарды басқару жөніндегі орынбасары Бауыржан Мамбетсапаев Қалалық ақсақалдар кеңесінің төрағасы, ардагер-ұстаз Қуандық Төрешұлын мерейлі 75 жасымен құттықтап, естелік сыйлық тапсырды.

## АРДАГЕР – ҰСТАЗҒА ҚҰРМЕТ КӨРСЕТІЛДІ



мадақ айтсақ да жараспақ. Ел үшін аянбай еңбек етіп, халық құрметіне бөленіп отырған Сізді біз мақтан тұтамыз!» – деп жазылған болатын!

«Біз ел игілігі үшін ерен еңбек еткен Өзіңіз сияқты аға буынның қадыры мен қайраты алдында қарыздар екенімізді ешқашан ұмытпаймыз!» – деді бас директор Есен Өтеев.

Мерейтой иесіне арналған бас директордың құттықтау сөзінде «Құрмет демалысына шыққаннан кейін де қоғамдық жұмыстан қол үзіп кетпей, бүгінде қалалық ақсақалдар кеңесі төрағасы қызметін абыроймен атқарып келесіз. Біз Сіздің әрбір ісіңізден үлгі алып, жақсы қасиетіңізді бойымызға сіңіруге ұмтылып келеміз. Мен Өзіңізді көңілі ашық, жаны таза азамат ретінде жоғары бағалаймын. Өзіңіз сияқты кісілігі мен кішілігін тең ұстаған биік адамшылық иесіне қандай



### Аллам маған қуат бер

Аллам маған қуат бер!  
Сабырлық пен сауап бер  
Сұқ көздерден сақтанар  
Нұр сәулелі шуақ бер!

Тас қараңғы түнектен  
Жарық болар шырақ бер  
Ұмтыларда биікке  
Самғайтұғын қанат бер!

Балдарымның бағын бер!  
Бақпен қоса арын бер!  
Санасына сенімін  
Қалып қылар жігер бер!

Береке мен Бірлік бер!  
Мағаналы тірлік бер  
Төрт құбыламды түгелдей  
Молшылықпен теңдеп бер!

Жүрегімнің төрінен  
Мейірім мен мерей бер!  
Бақыт дәмін сезетін  
Абыройлы өмір бер!

### Ғажайып өмір

Өмір неткен ғажап едің сиқырлы  
Сұрақтарға жауап іздеп сан түрлі  
Күн мен айда кезектесіп көктегі  
Бірін бірі алмастырып өтеді.

Өмір – өмір, ғажайып бір ертегі  
Бақытыма қадам бастым ертеңгі  
Теңдесі жоқ, сондай сұлу, әдемі  
Жүрек екен ғажап өмір мекені.

Жарқын жазда күзге беріп кезегін  
Қыс артынан көктем келіп жетеді  
Көңіл шіркін көтеріліп төбеге  
Жүрегімді жадыратып өтеді.

Нәсерлетіп жауған жаңбыр кешегі,  
Дүниені нұрландырып өтеді.  
Ақ ниетті, адал жүрек адамдар,  
Әр күніңді таңғажайып етеді.

**Рамила  
ҒИМРАНҚЫЗЫ,  
№3 МГӨБ  
мұнайшысы**







«ӨЗЕНМҰНАЙГАЗ» АҚ КОРПОРАТИВТІ ГАЗЕТІ

№12 (46) ЖЕЛТОҚСАН, 2019 ж.



## ОЛ – ОРЫНБАСАР ҚҰЛБЕКОВ:

**Қазақта «жылқы кісінескенше, адам сөйлескенше» деген керемет нақыл бар. Онымен сөйлескенде, оның адалдығын, азаматтығын, өткір сөздің шебері, мінезінің салмағын, ақ көңіл-ақжарқындығын, өзгеге өз ойын өжектмей тыңдататын парасатын, өкпелеткендерге де өті жарыла өшікпейтін болмысын тани түсесің. Ол – Орынбасар Құлбеков. Ат спортының жанашыры, «Ақниет» мұнайшылар қоғамдық бірлестігінің төрағасы, №4 Мұнай-газ өндіру басқармасындағы қабат қысымын сақтау цехына қарасты №10 – ШСС шебері.**

## АЗ-КЕМ ШЕГІНІС:

Орынбасар Зиноллаулы 1963-жылдың 22-наурыз-ында ел аузында «Мұнайшылар қарашаңырағы» атанған Қызылсай аулында көп балалы отбасында дүниеге келді. Бала Орынбасар әжесінің бауырында өсті. 1970-жылы Көндірлі аймағындағы Ақсу аулындағы мектептің табалдырығын аттап, 1980-жылы қаладағы Төлесін Әлиев атындағы № 1 орта мектепті тәмамдап, еңбек жолын АТП-5 автобазада жүргізуші болып бастады. Өскерге Венгрияда болып, 1983-жылдан бастап «Өзенмұнайгаз» АҚ-на қарасты мекемеге жұмысқа орналасады. Жұмыста жүріп, Өзен мұнай техникумын және Шахмардан Есенов атындағы университетте инженер мамандығы бойынша білім алады. Ол мұнай саласында жүріп оператор, шебер, мұнай кәсіпшілігі басшысының орынбасары секілді қызметтерді атқарды.

## ҚОҒАМДЫҚ ЖҰМЫСТАРЫ:

2011-жылы «Арман тұлпарлары» Жаңаөзен ұлттық ат спорты федерациясының құрылуына зор үлес қосты. Аталған федерацияның ұйымдастыруымен Адай жылқысы ұзақ қашықтағы жарыстарға қатыса бастады. Облыс, республика, шетелдерде өткен сынақ-жарыста жүлделі орындарға ие болып, қазақ елінің мерейін үстем етті.

Орынбасар Құлбеков – Жаңаөзен қаласындағы медиаторлар жетекшісі, 100-ден астам әртүрлі қылмыстық, әкімшілік, азаматтық істерді медиациялық жолмен рәсімдеп, дауласқан екі тараптың өзара татуласуына септігін тигізген жан.

## МАРАПАТТАРЫ:

Орынбасар Құлбековтің қоржынында ел игілігі үшін атқарған адал еңбегі үшін берілген қала, облыс әкімінің Алғыс хаты, «Өзенмұнайгаз» АҚ, «Қазмұнайгаз» ҰҚ» АҚ Дипломдары, «Құлагер», «Өзен кенорнына – 40 жыл» медальдары бар.

## ПРОБЛЕМАСЫ:

«Қазақ қазақ болғалы аттың үстінде өскен халық. Оның жаны да атпен бірге, рухы да аттың үстінде өседі. Өзгелерді қайдам дәл осы қазақтың жылқыға өкпесі жоқ шығар. Шежіреден білеміз...Балуаниязды өлтірген түрікмен батырдың жол серігі Құла атты жетектеп кетіп, батырдың асыл тұқымды тұлпарынан

тұқым алғысы келеді. Құланы 11 ай бойы Хиуада қараңғы қорада ұстап «айуанның аты айуан ғой, ендігі жерін ұмытқан шығар» деп қорадан шығарады. Естияр жануар қорадан шыққан бойдан, жерге бір аұнайды да «Маңғыстау қайдасың!» – деп тартып отырады. Қуғыншылар қанша қуса да жете алмайды. Ұзақ жолдан шөлдеп келген жануарға су тартып беретін адам табылмай, есті ат иесінің жатқан жеріне келіп өледі. Жануардың тектілігіне тәнті болып, көзіңе жас келеді... Ата-бабаларымыз осы аттың арқасында осынау ұланғайыр жерді жаудан қорғап, ұрпағына аманаттап кеткен... Ат спортын дамытуға қолдау сұрап, қалалық әкімшілікке жылына 100-ге жуық хат жазамын. Нәтиже жоқ. Көбінесе, «Өзенмұнайгаз» АҚ басшылары көмек қолын созады. Азаматтарға Алланың нұры жаусын! Ел ортақ, жер ортақ, намыс ортақ! Ат жарыс десе, айықпас ауруымыз бар емес пе?! Ұлыстың ұлы күнінде, Жеңіс мерекесінде, мұнайшылар тойында, ас беру садақаларында ат жарысын өткізіп тұрамыз. Елдің ұлттық спортқа бет тұра бастағы көңілге қуаныш ұялатады. Қазан айында Ақтөбе қаласында өткен 80км қашықтыққа ат

балаларды емдеп, олардың қоғамға араласына көмектесе, сауапты іс болар еді.

## АТ ҮСТІНДЕ СЕРУЕНДЕУ – МЫҢ ДА БІР ЕМ:

– Ат үстінде серуендеу ғылыми тілде «иппотерапия» деп аталады. Ат үстіндегі серуен – әлемнің көптеген елдерінде балалардың церебралды сал ауруынан шалдыққан (ДЦП) науқасқа мың да бір ем болып табылады. Ғалымдардың айтуынша, атпен баяу серуендегенде бала денесіне мас-саж алады. Жылқы малы науқас бала үшін – табиғи тренажер. Бұл жылқының емдік қасиетінің физикалық қыры болса, екіншісі – эмоционалдық сипатта. Дәрігерлердің пікірінше, сенім мен көтеріңкі көңіл күй баланы ауруынан айықтырудың төте жолы. Жылқыға мініп серуендеу – көптеген дертке шипа. Айталық, атеросклероз, бас сүйек жарақаты, полимиелит асқазан, ішек, простатитпен ауыратын және ақыл-есі кем адамдарға үнемі атқа мініп

# БҮГІНГІ КҮННІҢ БАТЫРЫ



шабу жарысына қатысып келдік. Адай жылқысы – бренд ретінде біздің ұлттық мақтанышымызға айналуы керек. Еуропаны қозғамай-ақ, қояйық, мына көршілес жатқан түрікмендердің өзі ақалтекесі мен алабайын «бренд» – деп өз-әулие қылып жүр. Адай жылқысы ақалтекеңнен еш кем емес. Оны брендке айналдырсақ, ешкім біздің қолымыздан қағып отырған жоқ. Бізге жанашырлық пен ұлтжандылық, намыс жетпей жатыр. Қаражатты баянды нәрсеге, ұлттық мұратқа қарай бұру керек! Бір ұққаным, адамда мақсат болса, проблема да болады екен...

## ЖАҚСЫНЫҢ ЖАҚСЫЛЫҒЫН АЙТ

Орынбасар Құлбеков 2014-жылдан бері Самат Ален, Тимур Ізтұрғанов, Әділет Меңдіғали деген қамкөңіл балалармен араласып, оларға қал-қадірінше көмектесіп келеді. Оларды ат спортына баулып, еңбекке араласуына ықпал етті. Биыл тағы 4 адам оқытылып, еңбекке араласты. Ұлттық ойыннан бөлек, жабық алаң салып, оның ішіне теңіз топырағын төсеп, ат терапиясын қолға алды. Ат терапиясымен мүгедек

серуендеу емі ұсынылады екен. Өсіресе, төрт қабырғаның ортасында, анасын жіпсіз байлап отырған церебралды сал диагнозы қойылған балаларға атпен серуендету орталығы ауадай қажет екендігі айтпаса да түсінікті.

## ҚАЗІРГІ ЗАМАННЫҢ БАТЫРЫ:

Әрине жоғарыда айтылған орталық ашылып, іске қосылу үшін қомақты қаражат қажет екендігі айтпаса да түсінікті. Орынбасар Құлбеков алдағы уақытта тәжірибелі мамандар дайындап, ат спорты клубын да ашқысы келіп отыр. «Жоқ жомарттың қолын байлайды» дегендей, Орекең Құланды ипподромындағы кеңсе ғимаратын жөндеу үшін өзі несие алыпты. Ипподромда еңбек етіп жүрген 3 қызметкердің жалақысын да өз қалтасына төлеп отыр.

## ОТБАСЫ:

Жан жары Мейрамгүлмен бірнеше бала тәрбиелеп отырған бақытты жан.«Адамзат баласының өмірінің мәні де,сәні де-отбасын құрып,ұрпақ сүю» – дейді Орынбасар.

## ТҮЙІН:

Қазақ аттан түскелі қай заман?! Орынбасар Құлбековтің ұлы мұраты – аттан түскен қазақты атқа мінгізу. Светқали Нұржан жылқыны Совет үкіметі қасақана құртқаны туралы поэма да жазды. Әріптесім жылқыға мінген қазақтың бойында батырлық рухтың оянатынына сенеді.







Мұнай саласында 15 жылдан бері абыройлы еңбек етіп келе жатқан әріптесіміз, қазақ тіліндегі тренингтердің тренері Нұрасыл Тоқбаев уақыт пен қаржы жеткізбейтін қазіргі заманда тиімді өмір сүруге жол сілтеп жүрген білікті маман.

# КӨЛІК МІНІП, КӨЗГЕ ТҮСУДІҢ ЗАМАНЫ ӨТТІ...



## АЗ-КЕМ АНЫҚТАМА:

Ол Түркменстан Республикасы, Балкан ауданы, Бекдаш поселкесінде дүниеге келді. 1994-жылы 16 жасында Жаңаөзен қаласына қоныс аударып, Жаңаөзен қаласындағы О.Тұрмағанбет атындағы техникалық колледжде мұнайшы мамандығы бойынша білім алады. Кейіннен, Ақтау қаласындағы Орта Азия университетінде «Мұнай және газ өңдеу» саласы бойынша жоғары білім алып, еңбек жолын 2000-жылы 14-мамандандырылған өрт сөндіру бөлімінде бастайды. 4 жыл еңбек етіп, инженер қызметіне дейін көтеріледі. Бүгінде ол №1 скважиналарға қызмет көрсету басқармасында жүргізуші болып еңбек етеді. Біліктілігін арттыру үшін Көкшетау техникалық инсти-

да білім беру саласына деген қызығушылығым оянды. Тренингтерге қатыса бастадым. Киев қаласына барып, тренингке қатыстым. Кітапқа ден қойдым. Шаштараз салонын аштым, мектеп, әскери қалашық, балабақша құрылысын салуға тапсырыс алдым. Кәсіптің бірнеше түрімен айналысып, өзімнің мүмкіншілігімді білгім келді. Алматыдан тауар да тасыдым. Желілік бизнеспен де айналыстым. Тез көтеріліп, үлкен дәрежеге жеттім. Әйтсе де, атаған кәсіптерімнің біреуі де көңліме қонбады. Жаныма жақын кәсіп іздей бастадым. Кәсіп бастауға дайындалған адам «Жаныңа не ұнайды?», «Неден экспертсің?», «Халықта сұраныс бар ма?» деген үш сұраққа жауап іздеуі керек. Мен бірнеше кәсіппен айналысып көргенде маған адамдармен жұмыс істеген ұнайтынын түсіндім. Тренингтер өткізе бастағанда маған тренингке қатысушылардың білдірген жақсы лебіздері мені шабыттандыра бастады. Мен бизнес-тренер деген кәсіпке тоқтаймын деп шешім қабылдадым. 2014-жылдан бастап өзімнің білімім мен біліктілігімді дамыту үшін 700 мың теңге көлемінде қаржы алып, Мәскеу, Киев, Қазан қаларына барып, ең мықты ұстаздардың тренингіне қатыстым. Радислав Канапастың «Шешендік шеберлік», компания басшыларына арналған «Көшбасшы айқышы» деген тренингіне қатыстым. Одан кейін «Тренинг-тренерлер бизнесі» деген АЙПИЭС және Синергия университетінің сертификатталған бизнес тренері, сертификатталған коуч атағын алып, оқып бітірдім. 2014-жылдан бастап шешендік шеберліктен тренинг жүргізе бастадым. Уақыт өте бір тақырыппен шектеліп қалмайын деп, «Уақытты тиімді пайдалану», «Жеке тұлға және кәсіпті жүйелі дамыту» бағыты бойынша тренингтер жүргізе бастадым. Уақытты басқарсаңыз, өмірді басқарасыз. Өзін құрметтейтін әрбір адам үнемі оқып, үйреніп, тыңдап, ізденіп, талаптануды тоқтатпауы қажет деп есептеймін. Адам өзін танып, өзгеруге тырысқанда оның айналасындағы өмір өзгере бастайды.

## ҚЫЗЫҚТЫРҒАН ТАҚЫРЫПТАРЫ:

– Адамда өзі білмейтін қабілеттер өте көп. Қазір өмір өте жылдам дамып жатыр. Ендеше, өмірмен бірге адам баласы да дамуы қажет. Кез келген адамға кез келген салада жетістікке жету үшін ойын нақты әрі жүйелі жеткізе білуі, уақытты тиімді пайдалануы, отбасы бюджетін ханталапайға салмай орныммен жұмсай білуі ауадай қажет. Мен осы тақырыптарға ден қоя отырып, қандастарыма көмектескім келді. Жүйелі сөзбен адамды, тіпті керек десеңіз, қоғамды жөндеуге болатынына әбден сенімдімін. Ал өзім өмір сүріп жатқан қоғамға пайда келтіру менің қолымнан келеді деп есептеймін. Өзіңізді қызықтыратын кез келген іспен айналысу – жаныңды жадыратады.

## ТРЕНИНГТІ ӨТКІЗУ ТӘСІЛІ:

– Мен «Өзгер» академиясын құрдым. Тренинг саласы бізде кенже дамығандықтан, маған бастапқыда аудитория жинау өте қиынға соқты. Қазір интернет заманы. Іс бастаймын деген адамға мүмкіндік мол. Кімде-кім ізденсе, ол тырысады және соған талпынады. Мен тренингтерімді онлайн жүргізуге көштім. Жиі өткіземін. Енді тренингті тыңдауға Қазақстанның өзге өңірлері азаматтары қосылды. Қызығушылық пайда болған жағдайда, ютуб, инстаграм желілерінен Özger

academy парақшасына кіріп, көрсеніңдер болады. «Біз қанша білсек, сонша нәрсе қолымыздан келеді. Білім-құш» – депті ағылшын философы Френсис Бэкон. Толық қосыламын.

## МИ ТУРАЛЫ МӘЛІМЕТ:

Адамның миы 3 бөліктен тұрады. Бірінші, интенсивті ми. Ол – қорғаныс, қорқыныш тудырады. Екінші, эмоционалды ми. Ол – жалқаулық тудырады. Үшінші, ақыл миы. Ол – адамды дұрыс шешім қабылдауға жетелейді.

Көп жағдайда ақыл миын өзге екі ми бөлігі жеңіп кетіп, адам таңдау жасағанда батылдыққа бара алмай жатады. Көпшілік адамдардың жаңа нәрсенің жаман жағын бірінші ойлап, негативті қабылдауға дайын тұратынын осымен түсіндіруге болады. Мен ақыл миымен қалай дұрыс жұмыс істеуге болатынын үйретуге тырысамын. Өз қанатың болмаса, өзгенің қанатымен ұша алмайтынын түсінген жандар менің тренингіме келеді деп үміттенемін.

## ОСЫ САЛАҒА КЕЛУГЕ ИТЕРМЕЛЕГЕН СЕБЕП:

– Әкем ішімдікке жақын болды. Мен әкемді емес, ішімдікті жек көріп өстім. «Өскенде әкем сияқты болмаймын. Жан-жақты, табысты әрі бақытты боламын!» – деп өзіме уәде бердім. Бәрі де ойдан басталады. Адамның бар байлығы – түйсігі. Нені ойласаңыз – сол боласыз. Өмір өткізші. Жан-жақты болған адамға әлемді түсіну жеңілдеу. 13 жасымда гитарада ойнауды үйреніп, 14 жасымда «Мереке» деген ансамбль құрдым. Таэквандомен айналыстым. Алғашқы кәсібім шаш алу болды. Адамдардың шашын алып, ақша таба бастадым. Шаштараздықтың өзі үлкен өнер екенін түсіндім. Қазіргі заман адамы ілім-білім, кәсіп игермесе, табысқа жетуі-екіталай дүния.

## ОТБАСЫ ТУРАЛЫ:

Үйде бір ұл болып өстім. Өзімнен үлкен апам бар. Әкем марқұм болып кетті. Бүгінде анаммен, Фарид деген жарыммен, Алланың берген ұл мен қызын тәрбиелеп, жүріп жатқан жайым бар. Қаржылай сауатты, өз бюджетін ақылға салып басқара алатын адамдар көбейген сайын тұрмысы түзу отбасылардың да саны артатын болады. Қаржылай сауаттылық дегеніміз-ақша таба білу, ақшаны жинап, сақтай білу. Жиналған ақшаны көбейте білу.

## ЖОСПАРЫ:


– Жоспар көп. Біреудің «жасайтын жұмысым уақытымнан да асып кетті» деп жазғанын оқып едім. Мендегі жағдай да дәл осындай. Мақсатым: қазақ тіліндегі тренингтерді дамытып, халықты қаржылық сауаттылыққа үйрету. Тренер, коуч мамандарын дайындау. Жеке тұлғалық даму тақырыбында кітап жазу. Бұрынғы жақсылардан «ақылды өзің білмесең, сатып ал!» – деген нақыл қалған.

## ОЙЫ:

– Адамның өз пікірін ашық, әрі еркін айтуы өркениетті, азаматтық қоғамның алғышартының бірі. Өмірде көп нәрседен құр қалсаң, оған өзіңді ғана айыпта! Төлеген Айбергенов ағамыз айтпақшы, мен «Жанам деген жүрекке от беруге» дайынмын!

## ТҮЙІН:


– Елеусіз өмір сүргім келмейді. Адамдарға пайдалы іспен шұғылданғым келеді. Бауырым, ертеңгі бүгінгі әрекетіңе байланысты екенін ұмытпа! Өмір бір-ақ рет беріледі. Басқа мүмкіндік болмайды. Көлік мініп, көзге түсудің заманы өтті. Осыны түсін!



тутына түседі. Қарап бос жатуды білмейтін Нұрасыл той-мерекелерде ән айтып, қосымша ақша табады. «Ән айту-негізгі хоббиым еді, енді бұған тренингтер қосылды» дейді ол.

## ТРЕНИНГ САЛАСЫНА КЕЛУІ:

– Мұнай саласында 7 жыл еңбек еткен соң, адам баласына өзгеріс қажет екендігін түсіндім. Қосымша, жаным ұнататын кәсіппен айналысым келді. 33 жасым-







## МҰНАЙШЫЛАР ШЫҒАРМАШЫЛЫҒЫ

Отағасы мен балаларына таңғы ас беріп, шығарып салған соң, диванға қисайған. Көзі ілініп кетіпті. Ұялы телефонының шырылынан оянды. Анасы екен. Босына мазаламайтын анасының телефон соққанынан секем алған Қырмызының жүрегі атқақтай соқты. Телефонды көтерер-көтерместен шешесі «орталық ауруханаға кел! Дана...» – деді де сөзін аяқтамастан өксіп жылап жіберді. Бұл не болғанын анықтап сұрап үлгермеді. Шала-шарпы жуынып, такси ұстап, анасы айтқан ауруханаға құстай ұшты.

Өзінен 5 жас кіші сіңлісін кеше түсінде көріп еді. Әдеттегідей бұған еркелеп қарайды. Үстіне гүлді матадан тігілген ұзын көйлек киіп алыпты. Қолындағы балмұздағын рақаттана жалап қояды. Айналасында түрлі-түсті

пен төбелеспеймін!» – деп құтылды. Әйтсе де, өжет қыздың көзсіз тентектігі көпшілік тарапынан құрметке ие болды. Әжуалау, орынсыз тиісу сап тыйылмағанмен, едәуір азайды. «Бұл менің туған апам, кімде-кім оны ренжітетін болса, ісі менімен болады!» – деді сіңлісі тістеніп.

Анасының қарсылығына қарамастан, «апамның қасына жатамын» деп бұның қасына келіп ұйықтайтын. Бұл Данаға әжесінен естіген ертегілердің небір түрін айтады. Арасында өзі қиялынан құрастырып, сан құбылтып түрлендіреді. Қаланың төкаппар қызы бұның сөзшендігінің қасында жіп есе алмай, көзі бақырайып, үнсіз жататын-ды. Ұйықтар алдында «Сен жақсысың. Сенің болғаның қандай жақсы болды. Мені сен сияқты ешкім де түсінбейді» – деуші еді қу қыз бұның қойнына тығылып.

Бұл да сіңлісін өлердей жақсы көрді. Дана

на құртып» – деген құңкілмен қарсы алады. «Мещанка» – дейді Дана анасына. Ауылдан келген Қырмызы ол кезде Дананың бір сөзіне түсінсе, бір сөзіне түсінбейтін.

Осы жылы диплом аламын деген болатын жақында телефонмен сөйлескенде. Ауруханаға кіргенде абыржып кеткен шешесін көрді. Берген сәлемін де алмастан түнімен Данаға телефон соғып ала алмағанын, таң алдында ауруханадан хабар келгенін қайталап айта береді. Жылағаннан көзі қызарып кетіпті... Тентек сіңлісі екі қолының тамырын кесіп, ол ол ма, өзінің сөзімен айтқанда «өмірге деген наразылығымды білдіремін!» – деп бұйра қара шашын тақырлап алдыртып тастапты...

«Мені палатаға кіргізбей қойды. Ол сені кіргізеді. Ол сені тыңдайды...» – деді анасы даусы дірілдеп. Алпыстан асса да қала кемпірлеріне тән шашын қызылға бояп, төбесіне түйіп, тырнақтарын өсіріп, ерніне далап жаққан анасына қарап тұрып, әжесі мен екеуінің арасы жер мен көктей екенін ойлады... Әжесін сағынып, жүрегі сыздап кетті...

дүниесін көп нәрседен тазартатынын білмеуші ме едіңіз!» – дегені естіліп жатты...

Ертесі күні Данаға тағы келді. Құр қол келген жоқ. Тауықтың сорпасын, апельсин, жаңғақ әкелді. Іште сұңғақ бойлы жігіт отыр екен. Өзін Берекетпін деп таныстырды... Данаға қиыла қарайды. Қырсық қыздың ашуы тарамапты. Қасында жіпсіз байланып отырған жігіт жаққа бұрылып қарауды да артық санайтын сияқты. Қырмызымен ғана сөйлесіп, жігіттің сұрақтарын жауапсыз қалдырып отыр. Жігіттің әкелген қызыл алмасын айналдырып қарап отырды да «бала кезімнен дәл осындай дәу қызыл алманы жек көремін, маған Қырмызы әкелген сары апельсин ұнайды» – деп алманы керуеттің үстіне домалатып жіберіп, бұл әкелген апельсинді алды. Қырмызының есіне кішкентай Дананың шахматтан ұтыла бастағанын сезсе, тақтайды төңкерсе сала «әділетсіздік!» – дей айқайлап шығатын қылығы есіне түсіп, күлкісі келіп кетті...

Берекет екеуі аурухана жанындағы кафеге бас сұқты. «Менің қалада үйім жоқ. Мен студентпін. Ауылда аурушаң анам бар. Анама, бауырларыма көмектесуім керек. Дана қалада өскен, комфортқа үйренген қыз. Оған жағдай керек. Ақша керек. Дананың анасы...» – жігіт күмілжіп қалды.

«Адам сөйлескенше...» демекші, Қырмызы бұл жайға анасының тікелей қатысы бар екенін ұқты. Анасының арманы әрине Данасын үлде мен бұлдеге орап қоятын жігітке ұзату... Бәлкім, бұл оның қызым ештеңеден таршылық көрмесін деген жанашырлығы болар. Анасы Берекетпен жасырын кездесіп, «Данадан алыс жүремін» – деген уәде алған болып шықты...

Туғалы өзінің бетіне ешкім жел болып келіп көрмеген Дана ессіз ғашық болған Берекетінің ләм-мим деместен жоғалып кеткенін неге жорырын білмей дәл болады. Бастапқыда «жігіттің соңы ол емес шығар, түкіргенім бар» – деп өзін жұбатқанмен, ғашықтық дерті шыдатпай, әр түрлі күйге түседі. Жаны шырылдаған асау ару фейсбук парақшасына «қазіргі заманда дені дұрыс еркек жоқ, кілек телпектер!...» – деп ауыр-ауыр сөздер жазады... Арты күйзеліске ұласып, өмірден кетуге бел байлаған.

Берекетпен жылы қоштасып, Қырмызы анасының үйіне барды. Ас үйде үнсіз отырған анасын құшақтап «бәрі жақсы болады» – деді... Бір уыс болып шөгіп қалған анасы егіліп жылады. Жылап отырып Қырмыздан кешірім сұрады...

Бұл үй тазалап, кірлерді, ас үйдегі ыдыстарды жууға кірісті. Сорпа пісірді. Кешке телефон шалған күйеуін анасының үйіне шақырды. Бала-бақшадан қайтқан Махамбет пен Гауһар тып-тыныш үйді азан-қазан етіп, аналарын құшақтап мәз болып қалды. Күйеу баласы кірпияз енесіне бір құшақ раушан гүл мен конфет алуды да ұмытпапты. Мөре-сәре болып, біразға дейін отырған бұлар қайтуға жиналғанда анасы бұны құшақтап тұрып «сен үшін өте қуаныштымын. Отбасыңмен жиі-жиі келіп тұрсайшы. Дана да жалғызсырап жүрген шығар» – деді сыбырлап...

Анасының бұл жолы да Дананың қамын ойлап тұрғанын сезсе де, Қырмызы ренжімеді. Ол бақытты жанның ешкімге ренжи алмайтынын әлдеқашан түсінген еді.

Түнге қарай далада жаңбыр жауа бастапты. Есіне әжесінің «Жаңбыр Алла тағаланың берекеті. Ол жердегі жаман, лас дүниелерді шайып жібереді» – деген сөзі есіне түсті. Ерлі-зайыптылар жүйткіп келе жатқан көліктің ішінде бақытты үркітіп алуға қорыққандай үнсіз отыр. Тек қана алаңсыз ұйықтап жатқан балалардың пысылы естіліп тұр.

Бибігүл БӨБЕКБАЙ

# АПАЛЫ-СІҢЛІЛІ

(ӘҢГІМЕ)

көбелектер ұшып жүр. Қуанышқа жорып қойған... Аяқ астынан не болып қалғанын түсінбей дал.

Анасы әкесімен тұрып жарытпады. Бұны «түрі де, мінезі де аумаған әкесі» де іштартпайтын-ды. Бұл ауылда әжесінің қолында тәрбиеленді. Қалада өзінің сіңлісі бар екенін естігенмен, Дананы көрмеді. Әжесі екеуінің үйіне шешесі ат ізін салмайтын-ды. Әжесі шешесін жақтырмаушы еді. Жатарда қара қазанды жуып отыратын қара кемпір «ұрғашының еркекті қорлап ұшпаққа шыққанын естісем құлағым көрең болсын» – деп ернін сылп еткізетін. Әжесінің сөзіне сенетін болса, бұның анасы жалғыз баланың түбіне жетіпті. Әжесінің қаңғып кеткеніне, ішіп, сосын бауыры ауырып, ауруханада жатып, көп ұзамай қайтыс болғанына, бәріне-бәріне бұның анасы кінәлі болып шығады. Әкесі өлген соң, әжесі бір күнде шөгіп қалды. Жиі-жиі ауырып, жатып қалатынды шығарды. «Беріктің бағы ұшқан заман болды ғой» – дейді күрсініп...

Бұл 9-класта оқып жүргенде әжесі төсек тартып жатып қалды. Бір күні сабақтан келіп, әдеттегідей әжесінің шайын дайындап жатыр еді. Әжесі бұны ымдап қасына шақырды. Қолынан ұзақ сипап отырды да «құтты орныңа қондырып, аз-кем қызықтаймын ба деген дәмем бар еді. Алла тағала бұнымды қош көрмеді... Аман жүр. Анаңды сыйла... Сыйластың жақсы ғой...» – деді. Әжесінің арғы дүниеге кетіп бара жатып, «мен мына көрші ауылға тойға барып келейін» дегендей еш қиналмастан, еш өкінішсіз бұныммен жайбарақат қоштасып, үзіліп кете барғаны күні бүгінге дейін ақылына сыймайды...

Әжесі өлген соң, анасының үйіне келді. Анасы кіржііп қарсы алғанмен, Дана бұны көрген бойдан жатырқамастан, «Ура! Енді менің апам бар!» – деп айқайлап, мойнынан тарс құшақтап алып, біразға дейін жібермей қойғаны әлі есінде...

Қырмызы қапелімде қаланың тарс-тұрс өміріне көндіге алмай, әуре-сарсаңға түсті. Кластастары бұны «мәмбет», «колхоз» деп кекетіп, шеттетті. Бірде орындығына тіс пастасын жағып, бүкіл класқа күлкі қылған Баха деген баламен төбелеспекші болған Дананың қылығы есіне түссе, әлі күнге дейін жаны жылып қалады. Каратэге қатысатын Дананың өзінен бірнеше жас үлкен жігітті ұрмақшы болып ұмтылғанына тек бұл емес, бәрі қайран қалып еді. Баха «мен молокосос-

сабақты үздік оқыды. Каратэге қатысты, музыкаға қатысты, ең соңында «это мое» деп бейнелеуге тоқтады. Анасының мединститутқа түс дегенін құлағына ілмей «адам өзінің жаны қалайтын іспен айналысқаны жөн, сонда ғана табысқа жететін болады» – деп сурет факультетіне түсті. Шынын айтса, бұл Дананың салған картиналарын түсінбейді. Өткенде шеберханасына бас сұққан. Дана небір-небір картиналарын алдына жайып салды. Бұл ұзақ үңіліп тұрды да, сіңлісінің көңліне қарап «жақсы!» – деп басын изей салған болатын. Сіңлісі тарқылдап келіп күлді дерсің... Со-сын жай ғана «бұл картиналарды көп адам түсінбейді. Бұл абстрактілі бейнелеу» – деді. Ал керек болса! Ешкім түсінбейтін картиналарды көз майынды тауысып салып қажеті қанша деп ойлаған да қойған ішінен... Әйтсе де, ойын сыртқа шығарып, ол жөнінде Данаға тіс жармады.

Дана үйдегі жақсыны киіп, төттіні ішіп өсті. Анасы Дана кисін, Дана ішсін деп сіңлісінің асты-үстіне түсіп жүруші еді... Неге екенін қайдам, бұның бойында қызғаныш болған жоқ. Қайта қолына түскен тәуір зат болса, Данаға беруге құмар болды. Дана бұны кітап оқуға үйретті. Қалаға келгенде орыс тілінен қиналған бұның тілді тәп-тәуір игеріп кетуіне орыс тілінде кітап оқуға дағдылануы көп әсерін тигізді. Сіңлісі қасына еріп барып, кітап дүкенінен кітап таңдасатын. «Михаил Булгаковтың «Шебер мен Маргаритасынан» бастаймыз. Ол осы романы арқылы Ресейдегі өзезіл билік құрған дәуірді сынайды. Өзі түркілік. Атасының аты Бұлғақ. Екеуіміздің атамыз болып шығуы да ғажап емес» – дейді бұйра шашты Дана белінен құшақтап тұрып. Сатушы да Қырмызы да қаршадай қыздың сөзін таңқала тыңдайды да қояды. Кітап арқалап келген екеуін анасы «ақшаны босы-



Палатадан жымыиып шыққан, дәрігер «бунтардың жағдайы жақсы, өмір сүретін болады. Қырмызын көргісі келеді» – деді... Анасы айттым ғой дегендей бұған жауаңдай қарап, палатаның есігін ашты. Керуетте бүк түсіп жатқан Дананы көргенде жүрек тұсы ауырып кеткенмен, жыламады. Кесілген тамырларға лейкопластырь жапсырылыпты... Басы тап-тақыр... Көздерінің алды көгеріп тұр. Бұл қасына жақындап келді де, сіңлісінің қолынан сыйпады. Дана көзін ашты...

«Келдің ба?» – деді. Бұл жай ғана басын изеді. Сіңлісінің қолдарын сыйпап отыр. Ол не болғанын айтпады, бұл не болғанын сұрамады. Тыныш. Рақат. «Бәрінен аман-шылық артық!» – деді бұл әжесінің жиі айтатын сөзін ішінен қайталап... Сіңлісінің қасында осылай үнсіз отыра бергісі келді... «Сенімен жақсы» – деді Дана бір кезде... «Сен ешқайда асықпайсың. Сен алдамайсың...».

Бұл сіңлісін құшақтап, бауырына қысты. Сол сол екен екеуі ал кеп жыласын... Бай-балам салған анасына емдеуші дәрігердің «жыласын, әбден жыласын, қазір адамдар жылаудан ұмытып барады, әйелдерге жылаған жарасады. Қолыңыз бос болса, сіз де қосылып жылаңыз. Көз жасы адамның жан





## «ӨЗЕНМҰНАЙГАЗ» КОМАНДАСЫ ҮШТІК ҚАТАРЫНДА

9-желтоқсан күні Нұр-Сұлтан қаласында Қазақстан КВН Одағы республикалық жастар бірлестігінің ұйымдастыруымен 2019-жылдың жоғарғы лигасының финалдық сайысы өтті. Жайдарманның финалдық бәсекесінде жаңаөзендік «Өзенмұнайгаз» командасы жүлделі III орынға ие болды.

Финалдық ойынға Семей, Ақтөбе, Бейнеу, Орал, Жаңаөзен қаласының командалары қатысты. Республиканың әр түкпірінен сайдың тасындай іріктеліп, кіл жүйріктер өнер көрсеткен ақтық ойында жүлдегерлер қатарынан көрінген жерлестерімізді жеңісімен шын жүректен құттықтаймыз!

Сондай-ақ, II орын иегерлері бейнеулік «Боранқұл» командасына және «Үздік ойыншы» атанған осы топтың мүшесі Нұрбол Сағидуллинге де «жеңістеріңіз құтты болсын!» – дейміз!

Мұнайлы өлкеде жайдарманның негізін қалап, абыройымызды асқақтатып жүрген жігіттермен біз әрдайым мақтанамыз! Алда жеңісті күндер көп болсын!



«Ұлты үшін құрмет қылмай, бас қамын ойлап жүрген азаматтардың елі артта қалып отыр.

Ұлтшыл жұрттар, әні, Германия, Япония, Англия, Түркиялар. Олардың баласы жасынан «ұлым» деп өседі. Есейген соң, бар білімін, күшін өз жұртының күшеюіне жұмсайды. Олардың әр адамы мемлекеттің керегі, қызметкері».

Жүсіпбек  
АЙМАУЫТОВ



«Тату елге тыныштық пен тоқшылық нәсіп».

Күлтегін




«Ханнан қырық туғанша, қарадан жалғыз тусайшы, ата жолын құсайшы»

Махамбет



«Бостандыққа апаратын жалғыз жол-ынтымақ ғана. Қазақ жерінің әрбір түйір тасы әр қазақтың өңіріне түйме болып қадалуы керек».

Әлихан  
БӨКЕЙХАНОВ



«Бұл бақ түгендейтін, тақ түгендейтін уақыт емес, белеңді бекем буып, қауымның жоталы шаруасына жан пидаететін заман».

Әбіш  
КЕКІЛБАЙҰЛЫ

60

Құрметті  
Нұрғали  
НҰРЛЫБАЙҰЛЫ!

Сізді асқаралы 60 жасыңызбен шын жүректен құттықтаймыз. «Бәрін де көрдіңіздер, Бәріне көндіңіздер, Бәріне сендіңіздер, Бәріне бердіңіздер, Сіздер алпысқа келдіңіздер» – деп қазақтың ақиық ақыны Мұқағали жырлағандай, Сіз алпыс деген асауды ауыздықтап мініп тұрсыз.

Ел экономикасының локомативі – мұнай-газ саласының дамуына сүбелі үлес қосқан Сіз бүгінде мұнайшылардың кәсіби шеберлігі мен біліктілігін арттырып келе жатқан Корпоративті оқу орталығын абыройлы басқарып, ұжым құрметіне бөленіп жүрсіз. Біз Сізге мықты денсаулық, мәнді де сәнді ғұмыр, жұмысыңызға мол табыс тілейміз. «Адам ұрпағымен мың жасайды» – демекші жапырағыңыз жайылып, өсіп-өркендей беріңіз! Тойыңыз тойға ұлассын!

Игі тілекпен:  
КОО еңбек ұжымы



”

ОЙМАҚТАЙ ОЙ

«БИЗНЕС – ҮЛКЕН ҚҰМАРЛЫҚ ПЕН АЗҒАНА ЕРЕЖЕДЕН ТҰРАТЫН ӨТЕ ҚЫЗЫҚ ОЙЫН».

БИЛЛ ГЕЙТС

АҚЫЛДЫ  
3 КЕҢЕС:

1. ЕГЕР СЕН БІР НӨРСЕ ЖОҒАЛТСАҢ, ОЛ САҒАН ҚАНШАЛЫҚТЫ ҚЫМБАТ БОЛСА ДА, ОҒАН ӨКІНБЕ!
2. АҚЫЛҒА СЫЙМАЙТЫН ЖӨНЕ ДӘЛЕЛІ ЖОҚ СӨЗГЕ ЕШ УАҚИТТА СЕНБЕ!
3. ӨЗІҢ ЛАҚТЫРҒАН ТАС ҚАШАН ДА ӨЗ БАСЫҢА ТҮСЕТІНІН БІЛІП ҚОЙ!